



Universitätsbibliothek Paderborn

**Animae Illvstres Ivliae Cliviae Montivm Marchiae
Ravenspvrgi Morsae Annexarvmqve Provinciarvm E
Monvmentis Calamo R. P. Theodori Rhay. Societatis Iesv
Redivivae**

Rhay, Theodor

Neobvrgi Ad Danvbium, 1663

X.

urn:nbn:de:hbz:466:1-10835

nihil reliquit: Similémque negligentiam & errorem in eiusdem *cognato BALDWINO CLIVENSIS* Comite designans, cuius solum ex orbe hoc discessum sub annum D. CCCCXCVI memorat, adijciendo *Præfulem Vlraiectinum* in ordine XVII sedisse. *Bucel. Chronicon.*

IX

CASTROMONTII depositio illustrissimæ viudæ Comitissæ WALDETRVDIS, quæ sancti DENTILINI Ressæ in Clivia quiescentis, aliorumque trium Sanctorum FILIORVM MATER viduis omnibus Christianâ submissione, patientiâ, mäfuetudine venerabilis extitit. Gloriosæ cæli Reginæ suprà quam satè explicari possit, addicta. Familiare illi fuit Beatissimam Virginem novies verbis Angelicis salutare, in honorem novem mensum, quibus Christus in eius utero habitavit. Eiusdem etiam Matris patrocinio vitam omnem ab omni lethali noxa immunem duxit. Mors illius plenissima fuit tenerimæ pietatis, à Deo etiam miraculis honorata. *Ex Canis.*

X.

ANNO Comes de Blanckenberg virtute & eruditione nobilissimam suam gentem ornans

L 2 vir

vir Deo & hominibus dilectus, *Lipsianorum Sanctorum indefessus conquistor*, sextus & vigesimus Cathedralis Ecclesiæ Mindensis Episcopus, cum sanctissimè annis aliquot rexisset, placidissimè in Domino quievit, cuius familiare symbolum erat; *Passus malum ignosce, ne duo mali sitis.* Ex Chron. P. Bucel.

XI

Vetus & verum est proverbium *fugientem, non ambientem sequi famam, gloriam & honorem:* quod suo illustris WILHELMVS Dynasta de Genep Exemplo abundè confirmat; quem reluctantem VRIA ad sedem Archiepiscopalem rapitum, LVIII. Antistitem creavit. sic

Qui fugit, ille tenet; qui petit ille caret.
Erat is Præful morib⁹ & virtutib⁹ eximi⁹, in divinis tractandis cultissimus, & animus illi ad magna erectus, quo concitatus commissum sibi regem fidelissimè pascere satagebat; neque totius illius vitæ cursus aliis fuit nisi unicus cum vigili hoste conflictus. Mensa illi Principalis, sed frugi, & non prodiga; Aula admodum honesta, sed cultu modesta; Recreationes eius frequentes, iucundæ & fructuosæ, non pretiosæ, quo

fiebat